

程

遺像題詞

故大學士溫文簡公



純孝要知

聖主

宸章裒美有自少存心致孝

友之勺移孝作忠此以
所以橐籥陰陽為

國良弼也予以聯陞趨陪
獲晚光霽凝然以和澄
然以清金相玉質不減

曲江當年及騎箕天上
九重賜贈賜謚

天潢躬奠典禮有加備極
人臣之榮令嗣某復圖
畫遺像以展罔極之情

生銷尺幅精神奔奕一
時學士才人皆各歌詩
以美盛德之形容帙盈
兩卷鏤鏤成編額曰遺
像題詞屬余為序予思

公秉鈞八載風度端凝
匪惟中外寮吏咸知景
想即山區海聚麓戶溪
翁靡不欲買絲以繡而
採金以鑄者豈公之鴻

功駿烈固不待畫像而
傳即畫之心能貌公之
形容而至於啟沃納牖
憂

君忠國之心固非丹青筆墨

之所能喻也今諸公題
詞以雅以南相與樂道
其事而歌咏勿替者夫
亦衮衣繡裳之里憂公
而不能忘而公之一家

世德作求之于是乎可
睹矣今夫委巷之家且
蒔之祭撫摩前人杯圈
几杖且以為手澤所存
盡然不禁其涕之流落

況玉珮貂冠聲咳如存
元精生氣耿々不沒趨
連瞻拜之下受敬之心
有不油然而生者哉夫
生依左右歿慕音容仁


人孝子之用心固正如此也
 詩曰孝思維則文簡公有焉
 又曰無忝爾所生
 指嗣如之家之肖子國之蓋
 臣吾見移孝簡公所以事
 作忠珥華酌尾其以文

君者上事

聖明有日矣

康熙五十九年庚子仲

夏婁東王揆拜題



遺像題詞凡例

一是編徵于乙未之秋刻于丁酉之冬所載

大人先生階秩悉依乙未時開刊後有遷擢未及再
為改定

一是編所徵 雅什恪遵原稿不敢遺易點畫倘

所載鄉籍甲科字號有誤及書鏤未工校讐不
到希

賜指教以便改正

一是編次第謹依班制官以署屬爵以班分官同

序俸爵同序科並不敢擅為先後

一是編凡是年奉

差出都或榮蒞外任未獲求

錫瑤章者尚祈

不吝珠玉增光繪素間有續題

補鐫諸什即刻于每卷之後並非敢于舛錯也

幸 恕幸諒

遺像題詞卷一

王

揆

顓菴庚戌文淵閣大學士江南太倉人

上相身騎箕尾中遺容好付碧紗籠

綸扉再典

君恩重

睿藻親頒卹命崇

朝宁尚留金鑑冊官僚爭憶繡裳風劇憐孝子求形

意玉珮貂冠繪殯宮

聯陞趨陪猶似昨可容感愴對丹青向看卿月

升黃閣今見台星墮

紫庭臺省百年留故事衣冠奕世想儀型老成舊德
勞

宸憶風度應知是九齡

趙申喬

松伍庚戌戶部尚書江南武進人

昇平一德頌明良元老承

恩載拜颺宣室忽嗟騎尾去儀容儼靚轉徬徨

曾挹光風

禁闈邊從容燮理宛如仙只今展素看圖像一片

丹忱可盡傳

陳

詵

實齋壬子禮部尚書浙江海寧人

公之名位

聖世夔龍公之峻節太華三峯公之器量萬斛能容
公之事業調燮時雍樞輔八載眷隆

九重歿膺美謚生受榮封

寵賜豐盈勲名鼎鐘金魚閃爍華袞青葱神采奕奕
聲咳如逢言坊行表百僚所宗仰瞻遺像拜手
敬恭

張廷樞 景峯壬戌刑部尚書陝西韓城人

身乘箕尾去遺像見儀型孝友

天心鑒勞謙地位寧吐茵逢再入扶杖擬長齡上宰
方調鼎中台忽墮星白雞成幻夢黃鶴杳蒼冥
圖比王章秀名齊謝傅馨褒榮光掩宥思慕繫
趨庭敢憶同官舊高山影更青

王頊齡 瑁湖丙辰工部尚書江南華亭人

獨攄丹悃格蒼穹

寶翰曾褒孝友風久作鹽梅資論道再持鈞軸不言

功耆英興託煙霞外仙籙名標閬苑中

奠醊榮哀真異數泉扃長荷

國恩崇

易名鄭重援前經

錫到尊卣秬鬯馨相業卓然垂典策德容儼若寫丹
青蘭滋雨露芳盈畹槐擢風雲綠滿庭濟美於
今簪紱盛家傳繡袞有儀型

王鴻緒 儼齋癸丑戶部尚書江南華亭人

台垣光氣映絲綸密勿陳謨藹似春再入黃扉

道修是言卷一
三
調鼎彙每懷綠野撫松筠旂常紀績推元老蓬
閭尋仙悟夙因

恩卹便蕃榮奠醑易名茂典有誰倫

寶跗璀璨錫耆年孝友褒聞

黼座前繡袞追思常捧

日丹青想像儼凌煙笏牀已信家風盛經筭還同相

業傳佇見住城松柏路盤螭貞石表新阡

李旭升

晴崖壬戌吏部左侍郎山西蔚州人

身歷端揆地羣推輔弼臣八年弘啟沃九域荷

陶鈞碩德真無匹

褒綸久愈新凌煙圖舊學形影望生春

燮理資良輔臯夔未足多大名垂宇宙餘氣壯

山河鶴夢知無據鴻勛永不磨至今箕尾側旦

暮列星羅

王原祁

麓臺庚戌戶部左侍郎江南太倉人

梁木空嗟失典型披圖猶見鶴儀形人間快覩

麒麟閣天上仍騎箕尾星蓋世勲名垂竹帛濟

時功業炳丹青懸知百代長瞻拜歲歲蒸嘗黍

穆馨

廖騰奎

蓮山已酉戶部右侍郎福建將樂人

儼然遺像在丰采豈常人

聖世絲綸手清時社稷臣貞心惟翼翼

異數獨頻頻薄海啣哀處方知相業真

元老何曾歿音容壽兩間丹青長不朽靈爽逝

猶還奠酒

天潢薦哀詞

睿藻頒影堂瞻拜日恍惚笑開顏

呂履恒

元素甲戌戶部左侍郎河南新安人

公門相業數韋賢

黼座經綸歷歲年手摘鹽梅調

御鼎身為舟楫濟長川星高乍向台階隕經在還憑

奕葉傳自是

聖朝隆異數親勞

帝子奠靈筵

王思軾

眉長壬戌禮部右侍郎江西贛州人

想像經綸迹未空尚將靈爽動昭融粉榆久託

歌風地舟楫長懸濟世功

恩眷九重傳再相勤勞八載記

重瞳只應黼黻丹青業寫入

天家紀載中

胡作梅

修予壬戌禮部右侍郎湖廣荊門人

今代平津閣先生最卓然甫申自嶽降傳說叶

星躔道德追三古聲名走八埏卿材原挺特公

望早昭宣不器推君子兼容屬大賢怒飛搏九

萬小試里三千槐棘周旋久絲綸掌握先獨承

天語切常荷

聖恩偏偉烈垂金石豐功壽簡編百年謂難老五福

信攸全溘爾驚騎尾淒其嘆逝川哀榮真罕匹

瞻就竟無緣自辱孫陽顧勤將駑鈍憐趨塵憶

彤陛訪舊識青氈願賦招魂句遙期返鶴年只今

遺像在翹首泪如泉

李先復

曲江

兵部左侍郎四川南部人

世躋唐虞盛廷推舉契賢壯猷隆國棟峻望照

星躔身際風雲起名高日月懸賡颺歌有慶燮

道像題詩卷一
理序無愆

眷注勤三接恩施溥八年洪圖資黼黻雅志託林泉
暫著東山屐仍飛

北闕牋蒼生殊喜慰黃閣再周旋降嶽扶輿地騎箕
碧落天

龍章懷舊德馬鬣卜新阡

楓座絲綸賁松原琬琰鐫燕貽家載乘鳳舉史垂編
奉教叨提命隨行異後先老成遺貌在想像倍
殷然

田從典

曉山戊辰兵部右侍郎山西陽城人

際會清時

眷倚隆

皇猷黼黻紀元功蒼生皆享和平福薄海猶歌寧壹
風夢裡形求原傳說民間尸祝類溫公寫生誰
號添毫手想見如丹一寸衷

李華之

遜齋丙辰刑部右侍郎山東諸城人

元老功成海宇昌漫憑黃閣數滄桑泰階方正
三台圻木介何祥四岳當百爾師承驚驟失

九重哀卹震非常傳家賴有韋平學奕葉絲綸慶未央

王企靖 苾遠乙丑刑部右侍郎順天雄縣人

元臣調玉鼎上宰協金甌燮理逢昌運平成佐
大猷霜臺崇執法水部仰持籌啟事山公侶知
人行儉儔仁風翔政府霖雨沛遐陬秉軸臣勞

著宣麻

帝眷優忠規勤啟沃政化合副柔補袞功殊絕乘箕
路阻修台階星影闕揆席履聲收想像儀型在

丹青道貌留龍門懷夙好腸斷向西州

阮爾詢 澄江壬戌工部左侍郎江南宣城人

公本麒麟閣上賢遺容嶽嶽儼生前遇同稷契
依唐日功似蕭曹佐漢年自是台星歸碧落可
堪梁木冷寒煙鬚眉應採黃金鑄留得千秋一
鑑懸

王度昭 帶河壬戌工部右侍郎山東諸城人

川嶽鍾良弼風雲際盛時舉朝欽奭旦一代重
臯夔大義宗臣凜存心

聖主知典型傳政府勲業樹邊陲霜冷黔江月雲封
粵海碑栢臺時奏艸蘭署久傾葵廊廟資謀畫
朝廷尚傅師

恩綸飛紫閣嘉賚拜丹墀方藉調梅畧驚聞絕筆辭
九重深慟悼四海動謳思設奠

天潢貴歌誅百辟悲冠裳嚴法守劍履肅威儀大
雅不復作哲人胡遽萎南州初邂逅

北闕更追隨雅意聯同調高懷慰所私音容千古
在和淚寫新詩

彭始搏

直上戊辰內閣學士河南鄧州人

柱石勲名舊丹青氣象新分明瞻泰岱髣髴畫
麒麟色凜羣僚正顏和萬物春矢音傳鳳翹赤
手轉鴻鈞斲著登山屐還拖論道紳人欽諸葛
像

帝寫傅巖真身未趨東閣官曾謁後塵數年陪劔履
鎮日傍車茵臯贊真堪續蕭規美可遵禮應祠
百世澤豈活千人珠玉階前秀芝蘭奕葉振承
先推孝友裕後驗慈仁蠶戶祈香火溪翁薦渚

蘋雲霄還陟降拜手仰宗臣

蔡升元 方麓壬戌狀元內閣學士浙江德清人

朱顏綠鬢潞公年薛鳳荀龍總象賢靈壽扶來

恩屢錫平津歸去

詔重宣台星忽訝沈寒影宰木深悲鎖暮煙

帝眷元臣終始切嘉名還付史官傳

歎息朝端失老成

九重殊禮備哀榮龍鸞寶冊鐫貞石牲醴珍庖薦玉

鐙幾載黃扉隨橐筆當年烏府快瞻荆 壬戌會闈公

以御史監試披圖恍覩平原繡感昔題詩涕欲橫

王之樞 恒麓丙辰內閣學士直隸定州人

孝篤庭幃達玉除十年密勿贊

宸謨春回有脚羣生潤化任無心萬彙敷偉業已成

人不朽

特恩頻錫古誰符拜瞻遺像驚如昨奕奕應同麟閣

圖

顧悅履 丹宸甲戌內閣學士浙江海寧人

弱冠升朝譽早騰

簡書遙奉憶頻仍中台游陟官方肅揆席重登
主眷增

溫旨九天承雨露清搽一節著冰兢騎箕忽復星精
位軫悼

宸衷念不勝

因心孝友愜

皇情篤念忠蓋更易名

恩遣

天潢親奠醊文抒

睿藻極哀榮新阡鬱鬱豐碑壯華表雙雙宰樹平風
動慈烏多少集旁觀不覺淚交傾

鄒士璉

石瞻戊辰內閣學士湖廣麻城人

旦奩聲華盛舉夔事業傳由來

天子聖自得宰臣賢鼎藉調元氣舟堪濟巨川平章
三事上端揆百僚先薇省樞機重綸扉密勿宣
帝心常置腹列職盡隨肩忽歎乘箕夜深哀夢奠年
風徽猶宛在畫像已高懸典禮周身後

殊恩錫几前鵷鸞情悵惘槐棘淚潺湲自昔勤王早

從軍奉使連黔江秋奏凱雪嶺夜防邊封事黃
門近彈章烏府編大農持國計冢宰絕私緣以
此山龍補能令玉鉉專九州思雨露一載

賜林泉

黼座宣麻再台星與柄聯何期東閣掩遂致午橋捐
諭祭文悽惻豐碑字蜿蜒顧瞻眉宇動肅拜憶陶甄

郝

林

中美壬戌都察院左副都御史直隸定州人

世重調羹手人推作楫臣和恒昭治化燮理協
昌辰駿業臯夔並鴻猷燕許鄰對揚心最切啟

沃道彌醇憲府尊綱紀天曹重統均三台方獨
步一德自相親正仰迂衡日俄傷撤瑟晨易名
朝典重

遣奠

帝恩新孝友曾

題扇忠勤更勒珉丹青傳氣象圖畫見丰神七袞
松筠貌八年社稷身樗材叨屬末蒲質荷陶甄
藤署瞻依舊龍門晉接頻音容悲隔世繒素喜
留真覲面如親炙違顏不數旬低徊東閣下長

此憶平津

江 球

宜笏辛未宗人府府丞江西金谿人

嶽降昌期合台衡

帝眷隆殊階洊敷歷茂德彌淵冲烏府青驄駿霜臺
白簡雄鳩工資綜核澄品厲公忠調鼎鹽梅力
濟川舟楫功丹心方捧日浩氣忽成虹應運扶
元化委形歸太空鴻名光汗簡曠典

卹幽宮舊績旂常懋新阡堂斧崇遺容謙素在百爾
景和衷

王

懿

月峰戊辰大理寺卿山東膠州人

懷哉君子心永矢效明發千載如一朝逝者豈
云没珍此遺像饒生氣令我覽圖增嘆息公澤
在民深且久藐爾筆墨遡難極憶公昔時居政
府夙夜辛勤叅密勿休休雅量涵江海袞衣赤
舄端冕黻綱紀百度肅以清宇內芳稱誰匹敵
帝念股肱睿眷隆孝友存心特

寵錫偉績豐功世所希煌煌史冊垂名節八載黃扉
啟沃殷恬然退處欽明哲輔翼重膺慶老成佐

邦作基正未竭豈知鈞天無人奏忽乘箕尾探
月窟魂兮一去不復返獨存廟貌追何及

深宮減膳為公傷道路咨嗟為公泣

綸音下逮日益新公乎在天生顏色嶽嶽鼎石傳無
窮千年萬年奉為則

周道新

澹庵甲戌通政使司通政使順天大興人

泰山北斗領朝端彪炳丹青業不刊百世兒童
知姓氏九州父老拜衣冠旂常事業披圖在鸞
鵠丰姿展卷看今日哀榮瞻曠典

天章璀璨玉螭蟠

王景曾

岵瞻庚辰太僕寺卿順天宛平人

公才公望世誰同禮絕黃扉一德隆萬石家風
推孝謹千秋國史紀清忠嘉謨翊贊持昌運鴻
畧助勩著懋功夢卜頻仍知倚毗難將星坼問
圓穹

槐庭春盡晝陰陰柱石俄傾感慨深四海元知
歸利濟九京猶自憶為霖儀形舊識雲中鶴音
響惟餘壁上琴鄭重易名傳冊府榮哀盛典愴

宸襟

吳梁 大樸壬子鴻臚寺卿河南許州人

日月麗天河岳扶地承乾凝坤夾輔攸寄一氣
陶融三光結萃鳴維我公天心賚畀經綸之才
公輔之噐邦家之楨盛明之瑞際唐虞時居臯
夔位以孔孟書致堯舜治六幕恬熙八埏和粹
功勒石渠庸垂金匱黃閣槐摧碧霄星墜几杖
旋捐龍蛇作崇百寮愴懷

九陛議謚生榮歿哀惟公兼備名完節全惟公無愧

世篤忠貞家傳孝思曾閱之裔述事繼志繪圖
肖像心無不至仰止肅容拜而涕淚松心不凋
玉顏常睟春煦象仁秋霜象義望之儼然光華
四被丹青莫傳史筆堪記

李敏啟 筠圃 太常寺卿直隸高陽人

濟川舟楫應昌時圖繪凌煙厓

帝思曾

錫龍章趨

祕殿儼垂麟綬侍

彤墀資兼文武三台貴寵備哀榮百職師矧有鳳
雛承世業勲名應早繼舉夔

張德桂 梅麓甲戌僉都御史廣東從化人

錫誅哀元老天寧不憖遺鬚眉留今日風度憶當時
相杵悲閭井銘旌泣路岐星躔光燦爛有客見
扶箕

竹帛垂鉛素罇彝重廟廊

帝庸作霖雨臣節凜秋霜萬物歸陶冶羣材仰棟梁
他年繪麟閣勲業在旂常

黃叔琳 崑圃辛未通政使司左通政使順天大興人

傅賚登良弼天貽命世英安危資濟翼出入殫
忠誠蕩節通南譯螯弧靖北征垣扉揚奏議臺
省樹風聲偉望儲三事崇勲晉六卿冬官時地
利冢宰肅銓衡

懋眷升公輔訐謨叶拜賡靜調元化暢馴錫泰階平
容德侔川海勤勞佐棟楹人皆依博大

帝實鑒清貞維社陳歸請香山契宿盟再徵騰
紫詔復起芑蒼生詎料凋耆艾俄悲失老成崧高頽

岳柱台極隕星精

宸悼優頒賙

恩褒重易名鈞樞懷冶鑄鼎鼐想和羨捧覩丹青肖
翹觀袞黻榮麟圖新氣象鶴髮舊神明典則傳
千禩儀型溯九京嚮時瞻慕意肅拜感遙情

陳允恭

麓南甲戌通政使司右通政廣西樂平人

台星圻中夜物論惜鈞衡霖雨蒼生望謨謀注
記精丹心通造化

皇眷備哀榮一德豐碑在千秋見太平

浹歲罷論道

堯心耿不忘舉夔重啟沃箕尾忽翱翔酌酒

天潢貴銘勲國史長笳簫哀挽去流恨滿巖廊

俞化鵬

扶九辛未大理寺少卿江南壽州人

聖世開昌運夔龍在廟堂

九重叅密勿一德協明良曉月沙堤色春雲玉殿香
作霖敷萬國夾日麗三光偶理東山屐旋趨

北闕裝絲綸重展布謨畫倍輝煌姚宋何能企伊周
或可方人爭依斗曜天遠奪魁芒落日風霜慘

空原草木涼舉朝悲輔弼

諭祭賜龍章鼎鼎羨猶沃鐘彝蹟自長願將雙彩筆

銘誄付縹緗

陸經遠 鈍成壬戌大理寺少卿順天宛平人

神字符喬嶽精英溯列星

九重褒孝友百辟頌儀型禮絕榮哀備功存竹帛銘

惟良孚一德永世耀丹青

南北星軺遠

皇恩暢八方鸞臺勤給事栢府慎持綱霖雨蒼生切

和羨

帝業昌自登台輔後垂拱繼虞唐

泰合交方久東山引退思未容丘壑戀又聽袞

衣詩

殊錫優元老勤施勵素絲載瞻麟閣像猶似弼諧時

縑素人如在堂封闕九幽當年傳夢賚後日想

形求冲穆存淵度端凝儼壯猷昇平成上理允

賴濟川舟

景日昃 東暘辛未鴻臚寺少卿河南登封人

今日瞻遺像回思嶽降神垂髫先失怙弱冠蚤
臨民使節遐方任軍麾萬里陳黃門曾給事烏
府久埋輪初拜司平重隨遷支度新天官獨著
箴丞相兩參鈞年老因辭職

恩深復致身

宸章褒碩彥文簡謚賢臣刻木形雖在招魂夢未親
瑤篇皆白雪俚句有巴人

林洪烈

修亭辛未通政司左叅議福建晉江人

辰緯台垣炳坤輿崧嶽崇自天生令德早歲樹

豐功秋氣風裁肅春陽雨澤融銓衡澄吏治謨
弼協

皇衷孝友天倫篤泰交景運隆

龍章霞綉彩

鳳藻日披紅上宰資弘化羣僚勵匪躬黃扉尊宿望
紫闈仰清風几几令譽並休休雅度同大名齊
尚父遺像拜元公傳世圭和璧承家治與弓相
門還有相紹述慶無窮

潘錦

就亭戊辰通政司右叅議福建崇安人

道修是詩卷一
一
盛世雍熙日元公寅亮時陰陽資燮理密勿重
論思旦奭原同德臯夔並應期萬方瞻氣象六
事協機宜兆叶熊羆卜禎符鼎鼎司引年心逾
惕

錫命寵頻施獨樂園初闢先憂志未移卿雲仍爛熳
政府再網維道本明良合

恩非雨露私初終真匪懈遠邇總無遺嶽降神偏異
山頽夢忽悲哀榮叨

異數軫惻仰

宸慈形像功殊絕風標儼在茲相門清議重典冊大
名垂會苑慚賢俊摛辭憶羽儀虛懷終莫報瞻
拜涕盈頤

魯

瑗 留耕乙丑太僕寺少卿江西新城人

坐論鑿坡側鳴珂玉殿前星標形卓矣霞舉意
脩然岼瑩珠涵水梧輝鳳踞巔人稱邊鎬佛史
載鄴侯仙淵靜神光澈陽和淑氣懸匡時心至
切捧

日念惟虔霖雨滋羣庶勛名勒簡編儀容殊奕奕風

度最翩翩光霽襟難畫丹青筆獨傳於今瞻仰
日記昔步趨年騫漢皆鸞鶴參雲盡杞榘箕裘
羨與袞膝下快多賢

李永紹

繩其乙丑光祿寺少卿山東寧海人

黃閣番番老階從烏府升不談宮省樹只飲玉
壺冰萬象歸洪冶羣材就直繩沙堤看再上箕
尾訝先乘乍得同魚水何殊失股肱

恩綸光煊赫

錫賚寵頻仍異數

頒新典嘉名易舊稱容儀煙閣畫勲業剡溪藤瞻像

憂勞在求銘愛慕增欲標千古烈筆短愧無能

屠

沂艾山甲戌順天府府尹湖廣孝感人

令望

熙朝重遺容仰世臣東山瞻氣象北斗露精神袞

烏輿情繫鬚眉

帝夢真辦香思陟降竚侍畫麒麟

張逸少

天門甲戌侍讀學士江南丹徒人

粉墨殊蕭瑟蒼然對老成兩登黃閣地深荷

紫宸情廊廟瞻風度山林頌太平騎箕天上去碑版
有餘榮

兩世通交好鵷行共比肩同心推丙吉繼武羨
韋賢霖雨多遺澤高松列

賜阡音容懷赤几還看史臣編

蔡

珽

玉躬丁丑左春坊左庶子奉天錦州人

氣之和容之肅

眷之久

恩之沃惟公也獨羨乃初令厥終協鴻運吹休明慶

一德兮稱股肱昌而熾兮康且寧誰其有之文
簡公

遺像題詞卷二

王奕清

拙園辛未詹事府詹事江南太倉人

閶闔扶搖素鶴驂
台星圻處碧雲曇
白楊早拂蛟龍匣
紫氣猶飛粉墨函
泚筆擬成裴令贊
捉麾如接謝公談
丹青曹霸開生面
中有無窮雨露含

蔣廷錫

揚孫癸未詹事府少詹事江南常熟人

丹青遺像儼如斯
恍睹黃扉再入時
捧日心懸台象圻
濟川功在壑舟移
輿情共悼雍熙宰

衣錫還敷琬琰詞從此哀榮應不朽千秋麟閣仰光儀

梅之珩 月川乙丑詹事府少詹事江西南城人

手調玉燭太平年一旦騎箕嘆逝川無復股肱
來夾日祇餘圖畫似凌煙曲江風度猶如昨裴
相靈臺竟宛然惆悵儀型今已遠空將事業付

青編

西風墓道繞松楸堂上遙瞻遺像留腰玉恍聞
鳴佩響袞衣猶似

御香浮輝煌

天語榮千載赫奕神光到十洲自有芳名耀今古不
須華屋嘆山丘

薄有德

聿修癸未詹事府左春坊順天大興人

天錫元臣佐

盛朝仰瞻遺像肅清標奇勲早已歸青史正氣還
應上紫霄宰木千章環拱護豐碑一統鬱岩堯
五雲霏處

綸音煥長被

恩榮雨露饒

吳士玉

荆山丙戌詹事府右春坊江南吳縣人

一夜星芒耀尾箕
淒涼空詠袞衣詩
清高共覩宗臣像
孝友曾蒙

聖主知天與遐齡
姿似鶴人傳憂國鬢
如絲他時豫卜蘋蘩祀
翠栢枝生丞相祠

九齡風度衆皆欽
良弼歸然副作霖
八座頻經公望盛
中書再入

主恩深几筵身後

頒堯酒殿閣生前
贊舜琴漫道丹青能
貌得鹽梅難

寫老臣心

孫

勳 誠齋乙丑提督四譯館太常寺少卿山東德州人

獨稟山川秀常依日月旁
孝恭誠德本遭際值時
康官叙循階上嘉猷積日
彰三台明夜宿五色
翽朝陽

紫禁絲綸密黔黎雨露滂
從容毗大化鎮靜守成章
得告身初退重來

眷愈長昇平真盛事終始沐

恩光金玉音今遠丹青炳豈忘威儀隅抑抑凝峻貌
堂堂洛下圖宜亞雲臺畫足方夔龍曾會送冠
佩儼清揚

林之濬

象湖丙戌詹事府左春坊福建惠安人

長身玉立凜生存海鶴仙姿廻絕羣大業黃扉
記霖雨高標青史比卿雲台星墜處嗟猶見屋
月低時愴若聞銀管誰能傳不朽寫真應有馬
班文

非常雅望領槐廳白髮蕭蕭自典型大事記中

存帶礪凌煙閣上見丹青騎箕揆席還虛位佐
斗

宸章早勒銘龍馬精神無復有空留遺像俯塵冥

陳

璋

鐘廷甲戌翰林院侍讀學士江南長洲人

黃閣綸扉近

九重金貂累葉舊從龍老臣經濟匡
朝廟元宰勲勞勒鼎鐘議謚嘉名膺

紫詔

賜瑩吉壤植蒼松騎箕歸去人揮涕憑弔穹碑馬鬣

封

陳邦彥

世南癸未翰林院侍講學士浙江海寧人

八年輔弼殫忠勤日坐中台望五雲自矢調元
歸鼎耳人看佐斗燦

天文豐碑尚想銜新澤熟釜何能絕舊勲想得玉環
傳慶遠會看奕葉播清芬

張廷玉

衡臣庚辰翰林院侍講學士江南桐城人

光岳貞符降甫申台星夜墮慟秋塵巖廊昔仗
經綸手廟貌今為俎豆人霽月襟懷思曳履凌

煙圖畫儼垂紳九齡丰度空千古

清問頻煩下紫宸

李

紱 巨來巳丑翰林院侍講學士江西臨川人

帝圖開道範台位掩星芒崧降維山甫仙遊失子房
風雲思壯氣日月近清光出納王喉舌銓衡國
紀綱百僚瞻虎拜九叙屬臯颺忠孝聞

天語威稜照海疆勤猶持玉鉉倦欲解金章蹇就平
津第仍歸政事堂潞公來洛下太傅卧山陽名
藥傳中使瓊漿出上方修鯨俄已駕大鳥竟何

祥

皇子親臨重嘉名表行芳酬勲哀禮備

殊錫

聖恩長故事存彝鼎豐功紀太常丹青餘想像銘誄
付篇章唯應望箕尾精氣燭穹蒼

陳恂

緘庵甲戌翰林院侍讀浙江錢塘人

天上歸箕宿人間愛召棠肖形曾夢賚畫閣待
流芳

國自修真傳家猶奉影堂德音懷秩秩灝氣薄茫

茫河嶽精英在星霜歲月長邊疆龍虎節臺省
鷺鵠行孝友同張仲端醇邁孔光卷阿當泰會
弼服盡豐穰

聖主賢臣頌高天厚地章引年還退谷經世起巖廊
兩度黃扉寵千秋青史香芳華霏

睿藻和鬯錫

天潢故事存中禁榮名易上方觀成惟絢爛居敬
絕更張肅穆神何旺公忠志不忘低徊勤仰止
髣髴見羹墻

阿克敦

立恒己丑翰林院侍講滿洲正藍旗人

簪纓之胄清粹所鍾間世而出應運以從得

君致治異數奇逢歷階晉秩

褒績酬庸

帝簡名賢獨資啟沃德若春溫恩同朝旭黼黻休明

治安移俗高山景仰人欽芳躅

成功順序引年投閒蒼生望切

詔起東山為霖為雨再掌絲綸忽乘箕尾涕淚潛潛

受寵之厚雨露沛天積慶之餘瓜瓞長年美初

令終竹帛爭傳拜瞻遺範應慰重泉

高其倬

章之甲戌翰林院侍講奉天遼陽人

間世

英明主憑高

御北辰有人扶太極一氣轉洪鈞勲業青冥上光華

白日新丹青能事在終見畫麒麟

杜牧 趙彥昭 李商隱 杜甫
羅隱 張說 吳融 許渾

遂初誠已重

天澤沃無窮祇召趨

龍陛飛文煥

日宮名留丹史內身在繡絲中今日登仁壽兼存翊

贊功

魏知古 張說 崔融 周利用

張祐 于鵠 沈佺期 杜甫

徐日昫 敬齋戊辰國子監祭酒江西高安人

十年鈞軸掌洪鈞金紫雍容富貴身天假姓名

懸日月山川猶覺露精神

傳巖高靜見台星

內制宣傳百辟聽

賜額御書金字貴一時良史畫留馨

吳相 麟山癸未國子監司業福建寧洋人

黃閣勲猷重老臣和平中正著經綸存心孝友

芳逾遠佐斗聲名德彌新

帝簡重膺嘉績懋

宸章疊錫湛恩頻九齡風度誰能似共憶休容弼

一人

盧軒 六以巳丑國子監司業浙江海寧人

鈞軸資元老詞林統大賢如何坼台象才自起

平泉進退無朋黨平治實後先八年陶景化四海慶安全丰度承明重文章翰苑傳方欣司馬相未及潞公年忽忽乘箕尾煌煌表陌阡易名真不忝汗簡總無前圖畫追思切音容想像懸精誠貫白日彷彿在中天

裘君弼

宸臣丁丑吏科給事中江西新建人

履曳星辰漢殿東明良賡拜禁闈中鈞衡位極三公貴膏雨敷從四海洪朝溯典型膺

帝寵家傳孝友契

宸衷他年圖向凌煙閣翊贊昇平第一功

盧

炳

子陽戊辰吏科給事中雲南石屏人

陶鎔萬化典羣僚佐斗開陽翊

聖朝公自許身同稷契人如旱歲望雲霄平泉築後常開閣雪嶺功成早建標天不憖遺悲一老無端空外鵬為妖

從容劍履

殿庭前褒鄂精神尙儼然粉本乍看鬻印日精藍猶勝會齋年千秋化鶴歸何晚一點靈臺畫莫

傳轉憶槐堂方側席肖形巖野夢求賢

鄭崑璽

小嵐壬戌户科給事中山西文水人

聖朝調鼎賴元功黃閣春深旭日紅一德匡襄邀
帝眷幾年勞勩感

宸衷歸休頤養同疏傳霖雨蒼生起謝公箕尾莫攀
河漢遠只今遺像識清風

錢以塏

蔗山戊辰刑科給事中浙江嘉善人

再升台座總樞機劔履從容入紫微佐斗八年
森氣象為霖九野共瞻依雪宵淮蔡功元盛

公節

使黔江雪嶺
時樹績甚偉

郊墅湖園興不違怪底龍蛇逢歲

厄空令馬策悵斜暉

曲江風度渺前賢圖畫丹青尚儼然麟閣豈惟
褒鄂似虎頭真有頰毫傳回思大府填沙日宛
在元辰列炬年聞說蓉城今是主擁麾何日見
真仙

郭徽祚

彥卿乙丑禮科給事中直隸武強人

平原清望早登庸黃閣勛名勒鼎鐘經濟祇今
誰伯仲明良自昔重夔龍敷膏每作三農雨借

道修是言卷二
十一
箸曾銷萬里烽不道忽乘箕尾去獨餘霜露洒
楸松

乍向東山寄徜徉又聞銀信下明光籠紗載入
公孫閣落木俄頽魯國梁月冷金臺秋雨暗風
淒易水曉煙涼鴻猷千載難磨滅好托雙毫紀

紫緜

詹嗣祿

蓼亭癸未禮科給事中浙江建德人

赤舄經綸大黃扉地望崇位高周二伯圖識漢
三公間氣鍾川瀆清標仰華嵩精神龍馬似勲

業禹臯同肅穆羣寮表誠和萬物功休休形令
德翼翼忒深喪化贊思尤密元調顏益融凌煙
方炳耀騎尾忽飛冲此日歸天上當年賚夢中

帝心頻眷舊

宸翰更褒忠竹帛垂名久丹青展像雄儀型欽仰止
吐握想遺風

楊存理

天根甲戌兵科給事中浙江海寧人

立朝丰采並伊周四海羣瞻燮理優方藉黑頭
行赤舄何期黃髮卧丹丘為霖事業騰霄漢作

揖文章炳斗牛千載經綸垂信史元臣相度自
休休

阮應商

越軒癸未刑科給事中江南山陽人

太平元老自清奇正色從容實可師盡瘁一生
隆

主眷調和十事許誰知欲搜諫艸留梧掖曾錄鴻文
秘鳳池尺幅傳神瞻望切依然吐握待賢時

鄒汝魯

鈍齋辛未京畿道御史麻城人

聖代垂元化祥雲煥紫清尙文留渾噩宣武掃欃槍

撮土填山岱涓流納海瀛軒轅師力牧帝履任
阿衡先後收時望鹽梅更篤生早年隨雁鷺壯
志畧轡輶邊徼銷烽火朝端委珮珩諫垣章磊
落烏府氣崢嶸律度量衡謹江淮河濟平山囊
推藻鑑狄籠列豪英妙譽期元輔

殊恩果老成登階叅密勿捧制揭章程玉燭調元氣
台樞耀上卿歸休逾十月念舊返三旌永永賡
魚麗悠悠聽鳳鳴薰風方座右冷雨起前楹
目思

王室罷朝悼國楨褒嘉仝覆載契合在勲名內府
哀銘就祠官

御酒傾豐碑千古壯雲篆半天明骨並春巖秀神
偕寒玉清仰瞻空太息含淚奏商聲

陳書

韋菴辛酉浙江道御史福建長樂人

穆如風清儼然山立度寬瀚海氣暖冬日麟鳳
是姿金玉其質明不激察勤不暇佚束髮從王
雨沐風櫛萬里粵黔馳駟仗節箭定天山九邊
股慄展采鳴陽心冰面鐵勲懋司空冢卿晉秩

八年調美軼古良弼握髮吐哺推轂賢哲功弘
造化退藏於密東山引年蒲輪起逸孝友休聲
恩綸不一煙閣雲臺公實允匹拜手興思彌增蘊結
雲衣斗冠虹紳月珖公靈在天芳流史筆

徐樹庸

去矜辛未湖廣道御史江南崑山人

聖世開鴻運明公秉化權登庸台輔貴優遇始終全
憶自從王歲時吟將母篇清霄持使節遥檄靖
蠻烟績茂黔江外威揚雪嶺邊黃門章屢上烏
府秩重遷三省廻翔後中樞正位專築隄開道

路佐斗耀星躔道在夔龍合名高房杜前十年
司鼎龜素志愜林泉

宸翰榮華袞

天題煥鳳牋存心惟孝友報

主必精虔一自龍蛇厄俄驚歲序愆我

皇垂痛悼致祭及郊阡典禮元臣渥嘉名文簡傳曲

江風度遠麟閣畫圖懸惜乏黃金鑄難禁清淚

漣西州悲馬策今古共綿綿

李景迪

培園癸未河南道御史江西吉水人

梁木其萎

九重咨嗟誅以悼之

恩禮有加行圖麟閣載奠玉窪四海失望瞻彼堤沙

百辟仰止傷枯閣麻炳然丹青藏之於家端凝

風度擁護雲霞展圖肅敬流芳何涯

成文運

在翁丁丑山東道御史四川忠州人

丰度真同昔典型常在斯趨隨

金殿日獻納

玉階時忠孝平生性勛庸異代師八年廊廟策再

相

聖人慈臨奠勞

天胄更名厯

睿思旂常銘鄭重風雨夢參差奕禩森蘭蕙羣英盡

鼎彝相逢寮案輩對此總淒其

吳蔚起

相湖癸未貴州道御史江南歙縣人

維天有樞垂北斗衆星歷歷尊紀綱太乙端居
紫垣肅鼎台列象懸寒芒我公天生作公輔海
宇寧謐時豐穰太平宰相久在位手序六氣調

三光當其馭歷著懋績臺省卿貳勞動勩百辟
為憲中丞貴五材用飭冬官良左右密勿贊元
化上相爰立升明堂穆明一德資和燮衣馬駢
羅

頒尚方純忠大孝天所鑒

旌題雲日爭輝煌黃耆引年暨休沐木石未治平泉
莊司馬再相羣額手九衢三陌喜欲狂元公几
杖忽捐棄輟朝罷講聞皆傷

賜賙加謚典禮備洗爵三奠傾天漿師臣王佐古攸

重哀榮兼至今非常令子呼天感風木背苦首
由神徬徨音容想像縈心目孺子思慕無存亡
油素絢染藉血淚丹青結撰聯縹緗展圖睇眎
緬風度炳耀龍席翔鸞凰玉立不倚潤而粟金
和有節清且剛周情孔思時益發房謀杜斷何
昂藏九原不作徒絲繡四海尸祝空門墻奉揚
清芬還三嘆豐功盛德難賡颺

許惟模

立岩已卯雲南道御史浙江海寧人

商巖應夢弼歎息已騎箕還許丹青筆能傳冰

玉姿立朝描易就憂國寫難知碩德符民望訐
謨愜

帝咨懸車開綠野側席跂

彤墀巨室隆梁棟明堂重鼎彝星猶熒

紫極雨更沛黔黎蒿里繁歌餞沙堤曉步迷

詔辭哀鍛鳳碑篆刻蟠螭氣作河山壯名留竹帛垂
駑駘慚下走松栢蔭喬枝感舊思元老長懷搢

笏時

周祚顯

星巖丁丑浙江道御史山東鰲山衛人

遺像音容肅清時德業真丹青千載色社稷萬
年臣天上曾瞻斗人間早降申舟車初建節調
燮已如春梧掖勲猷著葵忠獻替頻冬曹勤乃
職農部矢惟均國仰銓衡望朝欽

帝眷新形求符夢寐枚卜叶星辰屢睹

宸章煥還欣

御府珍東山方素願北闕又

恩綸虞日雖難挽台型豈易湮功名看紹述世澤更
無垠

蔣晟

鶴汀甲子山西道御史福建侯官人

春風冬日繫人思玉操冰心映鳳池范老甲兵
胸倍富呂公賢士袋無私陰陽宛似遊麟代門
館長如羅雀時世盛更逢

明聖主故教雙鬢未成絲

巖巖坐席絕千官辭氣和平量海寬箕尾有光
騎漢表履聲無響曳朝端中華懷澤暉長濕外
塞聞名胆尙寒才卧東山尋復起哀榮

異數古來難

嚴開袒

曉亭庚辰江南道御史江西分宜人

明良開泰運啟沃應昌時位歷三司貴身為百
代師蕭曹堪俯視伊呂只肩隨分陝甘棠遍專
征草木知麟鳳階下士貔虎帳中兒持版冬官
秩埋輪霜簡披

龍章褒答詔

鳳藻喬皇詩翊運星辰上承天雨露施暫辭調鼎鼐
卽

命侍軒墀黃閣鬚眉古槐堂劍佩垂勲高書竹帛澤

厚勒心脾展冊人如在千秋繫頌思

黃叔瓚

玉圃己丑湖廣道御史順天大興人

蕭瑟中台落大星多時綠野閉空庭勲名海內
尊三老風度朝端重九齡天以松筠標骨幹人
從鼎鼐想儀形懷賢眷舊瞻

綸綍盛事應知紀汗青

乞身纔得許投閒

天語春溫又賜環自是精誠通

帝夢長教奏對押朝班鹽梅調久偏延佇袞舄恩深

遺像題詞卷二
六
自往還故事幾回緡國史中書再入杏難攀
曾聞孝友重

宸章移孝成忠在對颺早歲馳驅經况瘁多年槐棘
慎翱翔巖廊屬目圭璋望僚案傾心麴蘖方他
日凌煙繪遺像好摹憂國鬢邊霜

箕尾難回曙後輝桑榆驚見落斜暉臣心常託
千秋鑑

主德還留百歲衣鄭重

天言刊鶴表殷勤

御酒賁龍旂孝思誰比佳公子淚濕丹青痛未晞

楊汝毅

石湖庚辰雲南道御史江南安慶人

繡紱星精瑞金甌燮理功百川爭會海五嶽共
尊嵩誕質嘉名肇傳家夙德豐鯤鵬飛擊水驥
裹步行空已贊堯三祝旋諧舜四聰黃門司獻
替丹悃矢謙冲使節馳邊徼軍麾靖遠烽冬官
綜理裕農部度支充房杜功名茂王裴典選公
鴻鈞資萬類

當宁契孤忠參贊符真宰經綸妙化工雖看丹穴羽

算卜海翁瞳請告温公歲優閒潞國風

帝心需翼贊人望乞憐蒙

詔以公師重仍參密勿躬入

朝恩有渥杖國典尤隆

講幄車輪賁殮堂蠟炬烘棊枕歸玉鉉清興引霜

楓箕尾歸天上龍蛇入夢中台階星乍隕

黼座悼何窮奠竚

天潢至

褒忠國典崇几筵思偉範瞻拜仰遺容駿業鏤彤管

隆稱貯鼎鐘他年華表鶴還到鳳池東

任坪

坦公辛未浙江道御史山東高密人

太華丰標映玉珂生身數是應山河烏絲寫出

阿衡照古貌丹心兩不磨

佐理昇平一德同四時亭毒見成功辛勤無限

調元力宛在冲融色笑中

殿廷威重翼巖廊異域傳呼姓氏香偃仰畫圖曾

省識只應人盡似王商

再入黃扉答

主知絲綸密勿動追思

楓宸念舊惟風度每在金甌逮卜時

陳珣

特庵甲戌江南道御史貴州施秉人

儼乎其威有嚴有翼凝然以和金相玉質伊何
人哉毋乃天上之辰星而殷王之良弼旣調鼎
而作霖又奚煩乎物色維曰永懷其人務留其
跡千秋具瞻以為後賢之式

張世祺

介眉壬子山西道御史山東歷城人

陰霧鬱三台悲風動九垓地驚乾軸坼雲擁泰

山頽墮淚碑林立招魂賦述哀溯欽元老望緬
悉帝臣才經畫儲文府珪符屬內臺

廟廊資翼贊冠佩肅追陪鸞掖青蒲奏驄車宿莽
開手持丹鳳節功著白龍堆

睿藻天章錫聲華大道恢度支餘菽粟調劑合鹽梅
爵位人臣極朝班世德推白麻宣浩蕩紫闥靄
昭回劍履翔雲步絲綸耀斗魁引年榮賜杖樂
聖慶啣杯芳架資原重蒲輪喜再來星辰仍掌
握霖雨更滋培蕭艾叨噓植蒿萊仗剪裁正當

依几席胡乃棄氛埃痛忽羨墻失傷同岳牧摧
瓊枝凝縞樹芝鶴繼仙胎紹述垂千禩綿延振
八裴

璽書褒煥燦華表矗崔巍手澤存文藻庭陰覆古槐
仰瞻遺範在椒醕奠山壘

田軒來

東軒辛未江南道御史浙江山陰人

聖朝參贊舊元臣尺幅鬚眉若有神台座再升人望

協

哀綸重錫

主恩新前身知是傳金粟風度猶應記

玉宸赫赫功名照青史披圖不讓畫麒麟

范長發

舒山甲戌御史浙江秀水人

一德資元輔千秋勒鼎銘黃扉方再啟白日忽
長扃孝友褒

宸藻几筵感列星

聖朝問耆舊遺像在丹青

陳鵬年

滄洲辛未署理霸昌道湖廣湘潭人

上公勛業著

明廷霖雨曾經灑八溟再秉鈞衡調玉鼎俄驚台座
圻珠星存心舊見

天垂褒表墓親勞

帝草銘劍佩至今英爽在千年麟閣炳丹青

聖